


賦
詩

寶
菴
集



宮贊顧先生寶菴集序



門人吳應賓撰

吾師顧學海先生以清白世其
先正司馬所遺兩文學寢正而
外圖書若干竹箋文章若干帙
而已兩君曰奈何以清白吏子
孫自免使先正史著作不表

於後世耶則必同門趙太僕
所序梓歌咏之文曰寶菴集
者寫書千里以名理事辭之
文微不佞應賓先於剡剡且
曰知吾子也文者莫先太史若
知先太史也文者必莫若子
若也夫物感乎耳目然後能

得之於心而命其態色况雕
繪萬物參元化而不朽者乎
今日而必聽其引商而賞其流
徵以寓諸無竟是問冰于夏
蟲而越人之製錦也必不幾
矣雖然心之精神是謂文
易曰義在其中一而暢於四肢

散於事業久之至也 六勤也
天倪其合也天則其鳴也天以類
其鏤也天巧雲物不組織而
麗華蕩不膏沐而妍風之
長林衆之危石不搏拊而和
文不相肖而各全乎天惟觀乎
天文者可以觀乎人文天之文

一而人之文萬歌詠名理事
辭三者同出而異名同謂之
天鄉吾之於夫子感其天矣
虛而入者實以出實而入者
虛以出目象外而有聲) 前
疇然抱忠孝廉貞之璞而挫
銳解紛以游乎人百世者也

今先生入於非人而應宸二十
年為世長物一木之室若曠
若濤不以飲冰助陰陽為虐
先生教也今又屬耳歌詠以招
九京而與其不可傳者遇詠
詠則先生之深念也間道則
先生之遠心也慷慨壯烈則

先生之道節也一渚之月觀
千江矣一葉之秋悟大地矣
歌咏不失風雅達安大曆而
名理失矣易莊周事辭失
尚書左氏春秋司馬太史將
無造物者撰一象而聲兮造朽
而色耶是二天也忘之以知人

文之衰化先生志在經世塊
然無營寧鵠起與竅察者
居毋蟻行與汶者伍麾不
去易招不來難先生清白吏
乎固社稷之臣也修文小淹賜
及於事心之精神膏澤俱
流元化俱洽鼓腹相杵夕

秀朝華菊礪為一以入於非
人而何莫非先生之文也者性
乃雕蟲之友獨抱遺州為
躊躇為之太息以先生之文
若私者半若靳者亦半私
若曰諾先生不知靳者問
諾真宰不知者人也不

知者天也知其所知以知其所
不知以是知先生之文之大全
也天之未喪文乃存於斯雖余
小子瞠乎其後或亦閣中摸
索而竊附青雲之上以行乎
無涯之域哉曰次第其語
於書郵以歸兩君之云乃

謂吳生能以意為言以耳為
目以歌詠為名理事辭而知
先太史文也者果莫吳生之若
耶吳生猶爾何況大方洞庭
懸而九鼎列誰謂清白史子
孫貧者載枕其流載意其真
長跼剗心以嘗瓊玖雖先方

伯之有史孤亦揚、稱富矣、
附輓詩五言十二律

公子金閨產、才名玉樹高、
詞林過驥足、經笥隱龍韜、
字宙開雙眼、軋坤妬二毛、
傳書心倍苦、天問續離騷、

八座家聲、舊三台輿、望

新寧知辭帝里、無復謫
仙人書已藏、司馬經應老、獲
麟風塵、諸弟子、息香獨
沾中

龍性歸中、教鷓夷對太
奇、調高知宮和、心靜似
遊、禪夜月青、藜外春風
錦

帳前九原那可作腸斷
卜居篇

載筆鳴金馬會香動紫
薇誰言六月息直待千年
歸慧業天人遠雄文代寶
稀自知慚學步不取謂
傳衣

病骨那千金長島遇九方
赤臺憐得士玉樹赤為郎
名以東山重身歸北斗
藏自慚非宋玉獨泣向
巫陽

憶昔事夫子清風蕭羽
翰腕蘭香省色藜桂月

生寒名附青雲易歌傳白
雪難一冠從此挂石恩為
人彈

生存感華屋涕淚欲何
依海內傳經畢門前尚
字稀花磚愁夜月玉筍
失春暉多少里御風去海
天

雲自飛

不惜春明遠因乘秋興逸
一生堪几杖多病妬雲
山師席中分魯門人獨薦
顏悲風繞梁木千古泣
潺湲

游戲朝三殿道遙訪十洲

心迴東壁曉月澹北門秋
燕市黃金盡秦關紫
氣收杜機成萬古不復見
臺丘

憶昨趨函丈僂身不可攀
著書忘宦拙夢河覺身
厚伏驥何堪老冥鴻竟不

還瀛洲滄海月夜一照崐
山

零落悲生事空懷御李
君斗牛沉劍氣箕尾動
星文無復巴人曲難逢郭
匠斤猶瞻白帝觀五色
朝雲

今代麒麟閣梁丘茅炙人
金門方隱吏靈山嶽已歸
神一江海詞人淚著纓第
子身生蜀唯一束原憲本
來貧

是篇也噫心而吟以需布
飄之便十有八年矣乃所

者不能視而跛若復不能
履膝且髮之白也後天之
痛遂當沒齒悲夫因兩
世兄之徵文也發諸教箋
血淚之班與蠶魚相亂不
復能以耳讀矣稍加刪
次附在末簡兩世兄其為

我長歌之以當三飯之脩
乎

萬曆壬子長夏門人皖舒吳

應賓拜手稽首謹識

後學歸昌世書

刻顧先生詩集叙

初先生讀書中秘

天子討、垂顧、曰、四、使、去、父、門
先生名中外士大夫為不以先生
為端矢業進 宮寮駸、嚮用
而一旦以脩文地而去海內無不
為先生寬之先思見其人不可得

乃思見其言而不佞于先生為門
下士乃一生訪者千首付之剞劂
嗚呼先生腹中如波所覆實如
舟斛之舟珠玉犀角河所不及
假之先生之在必且踞日新錫系
密勿接猿矢口為自舉之語尹之
訓勉之誥說之命旦燕之雅歌之天

球河圖曲垂象祀之乃屈於短造
僅之從臺象中振其銜短之餘
以傳于世亦之然在不佞每于風
清月白之時坐胡床擊手唾壺言
歌一闕未嘗不恍恍淋漓泣血
六因忘 明之 訪人 豈 魚 女 十 百
曹 孰 其 中 錚 錚 豈 有 名 其 如 何

仲默徐公穀宗子相梁公實少不
遠中壽以死豈詩固能仇人一印
然二三君子之集也至與學人
宗之占我吉于辭亦相軒輊必先
生之心以不朽其意不在更色

門人西晉趙標題首撰
後學錄附後也

刻三太史詩序

余與太倉顧實甫讀書中秘
三年而未嘗有所揚於也實
甫有雋才沾沾自喜驟見落
落難合不可得親踈也時以
矣佐酒耳實甫予告歸五年

而復會于長安始與余談詩指
摘瑕瑜凜若嚴傅而余始有
意乎其為人無何以憂去又五
年入長安相視而咲莫逆也
語連晝夜無複者蓋余與實
甫淡而益親久乃無所不盡

而實甫復以病去則出其平
生所為詩千餘章使予定之
余取其十之三錄其副藏以司
中再逾年而實甫死王敬卿
者關中人以進士及第官詞林
磊落丈夫也與人語直吐肺肝

無飾詞無隱情居與余相近
時偕蕭以占間步而過余所
為詩若文必以示余以視敬卿
如同年兄弟行也敬卿病且
死邀余至榻前為訣別以誌
屬以占以墓表屬余蓋敬卿

歿四年而時以入吾夢烏葛
仲明與余同舉于鄉又同官
詞林其在詞林以先輩禮視
余其齒于鄉則弟畜之歡甚
無間以文章行誼相質予意
所不可輒歛容而請敬易之

其人溫之長者類有後福而志以病死之日余視含歛檢遺文于亂帙中皆余所評隲手跡在焉蓋余自束髮登朝從士大夫游文字之交為多其摘余文無所不盡者實甫

也余摘其文無所不盡而無所不納者敬卿仲明也余方愧未有以益實甫又不能求益于敬卿仲明而三君乃去我而死文人喜相軋高者蘄自有餘其次不欲示人不足吾

誰使言之而誰使聽之實甫
詩艷雅高秀五言似王孟七
言似錢卽諸體皆有妙境敬
卿詩法出于杜有沈鷲邁往
之氣大略似其家槐野先生
而文以質掩仲明學初唐典

重濃麗七言古律中有絕勝
者而情以詞掩向使假以數
年以彼精心獨詣取善無厭
皆可以冠冕詞人為國光華
乃竟中道夭闕以死悲哉當
三君初逝余欲綜其遺文使

行於世為冗奪未果既得假
歸乃始序而刺之死者復生
生者不愧余于三君已愧宿
諾笑友人馮琦譔

後學張魯唯書

寶菴集目錄

卷之一

賦一首

孤燈賦

五言古詩五十四首

夏日山亭述懷

紀夢

陪啟孫外舅及山甫諸君游天池

寄和甫

寶壽集
初理小齋率爾有述

秋日大風

得家書具聞江南水勢間及時事慨焉

感述四百三十字

張質卿黎陽道中詒詩見懷答寄二首

詠懷五首

緒盆水蓄朱魚數頭

讀陶集有引

南征詩二首

中秋夕風雨交橫舟寢不安述懷

周市道中書所見

情詩

夏夜與客石橋看月用月明星稀為韻

四首

寺橋待月月出歸院命酒次前一夕韻

三首

集王孟安池館

秋日游行山間

寶齋集
自屏巖歷陽谷洞登曲巖

思友人詩 三首

題溪雲閣卷

贈僧大通

婉兒怨戲爲陸敬承賦 八首

徙宅 二首

寄示小兒子

和王季中任城登太白樓作

謁關里廟林 二首

黃河

大風

飛來峰

卷之二

七言古詩二十三首

赴金陵別培甫兄伯見弟

庭前積雪作峰巒狀援筆歌之

歌寄周伯中

集馮開之醉歌

除夕述懷 三首

初春再飲馬體良戲成短歌

家弟書來知讀書七十二峰閣作歌寄

之

送伯任還南昌

謁陵篇

陳園歌示沈少卿

送沈伯英儀部徵選八郡良家少年

送沈少卿還吳江

送陸敬承還越

七夕遊草橋作歌

贈別龍君善

今昔行送侍御張質卿兼柬馬體良

送莊中熙

行路難送王世周 二首

送沈晴峰翰長

大閱應制

卷之三

七言古詩二十三首

見月行寄沈茂仁 八月望前一夕作

放歌示諸僧

老檜行 并序

月夜沈少卿邀遊長橋還登三高祠作

汎太湖覽七十二峰歌

尋林屋洞天

平坡行

黃樓歌

雲龍山放歌

屠生行

杏花下作歌

四懷詩 并序四首

送陸彥先南還

歌寄沈茂仁

長安西第行

玉蒼山歌為王季中賦

送張伯任行邊

泰山吟寄何侍御

送楊公亮兼柬馮開之

初春與睿甫仁甫遊西山作長歌紀之

兼柬應之

衛河行

卷之四

五言律詩八十四首

浮佛寺雜詠 五首

汎澱山湖

陸廿七文學護其女弟至即無何告歸

賦此為贈

睿甫應之仁甫偕遊摩訶菴兼贈琴僧

無絃得村字

遊詹園

諸子夜過

贈別滕山人

九日集梁氏園兼餞別滕山人即席賦

至日書懷 二首

西山道中

經華嚴廢寺

課童子藝菊

答寄子充七叔

再遊釣臺 二首

同公亮敬承茂仁郊游 二首

寄家書

和袁子壽傳臚日雙燕來巢詩

夏日閑居即事

出郭

再遊陳固安山莊

表兄柴欽甫至夜話

送李汝培侍御 二首

送柴氏表兄出塞謁張中丞

忽憶陳廣文相詎步武久不覿面悵然

寄懷

夕眺

送欽甫表兄南還

卷簾

歲暮

送朱可大

沈少卿邀遊韋莊

春思

喜雨

病思

卽事

贈金公朗

初入舟卽事

南旺道中

白鳥

鴈

雨中過寶應湖

月夜自高郵度邵伯湖 二一首

九日過維揚

冬日憇王氏山亭

寶華寺

過沈氏山亭

夏日閒居 三首

晏起

卽事 四首

舟行卽事

雨中過浮佛寺

天平山

靈巖山

家弟園亭集山甫諸君得肥字 二首

因山甫問沈少卿

送十一舅之山東省視家君 二首

天津大風舟中雜感 三首

晚春同公亮敬承汝培郊遊因過張惠

安園亭看海棠 六首

夜過莫廷韓適張質卿費國聘携酒成

集分韻得魚字

題費國聘市隱園 三首

卷之五

五言律詩四十五首

喜陸彥先至 二首

陳長倩鄭文父沈少卿夜過 二首

遊雙寺分得名字

宿淨土菴

清涼寺

馮開之見訪

山家

孤山間林處士故宅

庚寅元旦

山亭閒居 八首

遊金山寺 二首

清河道中

輓周伯中 三首

憶家園

聞道

書懷示王季中何无咎

清源逢龔汝修之嶺南

贈開上人時方校刻藏經

涿鹿署中遇雨

葉給諫邀遊暨公莊同敬承用韞賦
二首

詠用韞庭花

郊游

郝園看海棠

題柰樹

韋公寺

夕眺再登抱靈亭

濟上逢敖嘉猷

阻風瓜洲

集杜句寄懷京邑同好
四首

五言排律一十三首

集周行之得懸字

碧雲寺

立春侍班恭紀

送孫以德翰長

入直應制

陪祀長陵

舟中書懷寄同館諸君子四十韻

陳少尹園亭看菊有贈

秋思

登六和塔

新篁斐亶相對映發悠然會心為賦新

竹篇

南宮道中紀早兼識所感

游靈巖寺

卷之六

七言律詩七十一首

秋日山亭喜伯中見過

賦得玉河春水

得和甫書云讀書虎丘

九日張睿甫史應之萬仁甫同登總持閣

閣

張史萬三子約遊燈市阻雪不遂率爾

述懷

曹子運要過張常侍山莊 三首

送陳卜野之新昌

不得伯任問怪之

送傅司訓之越

今年

寒夜集周光祿分得元字

病中史應之遺橘走筆爲謝

寄俞仲蔚 二首

香山寺 二首

寄顧山甫

送徐侍讀使楚 二首

諸子遊釣臺

長安秋懷

歲杪過楊公亮招費國聘不至

伯任上計都門畏禁不見悵然賦詩

人日集馬體良

寄懷陳吉水卜野

王伯禎侍御邀飲梁園

山行道中

碧雲寺

送馬水部之南旺

送于進士使薊南還

贈懷座主伍先生由蕭令擢守順州

二首

寄上谷張中丞

二首

李武清園亭看蓮

二首

送褚司理之武昌

秋日書懷

徐司寇詒詩家君見懷述感

十五夜獨酌

陸敬承自彭城詒詩見懷次韻答寄

九日小齋枯坐

九日柬沈少卿

冬日閒居

三首

小至前一日述懷

至日大雪和費國聘

與國聘過馴象公署看雪茂仁携酒偕
集

徐少司寇簡拜宗伯喜而有賦

沈陳二子集小齋

國聘臨別贈我小桃盆草走筆爲謝

送朱子得之懷慶

恭題 御藏商喜畫鹿

送何啟範

花下集同世周賦

端陽同王世周小酌

卽席送王世周得登字

懷費國聘

沈少卿見過

萬仁甫餉蕙酒

費國聘詒詩見懷次韻答寄 二首

遊草橋 二首

悶

茂仁見過讀余悶詩遂枉和什再用前

韻賦答

沈茂仁夜集分韻得分字

卷之七

七言律詩六十九首

萬壽節恭于舟次瞻拜述感

任城道中

彭城懷古

得沈君典書知未有北上意却寄

將抵維揚寄李汝培侍御

元夕同夔弟奉家君及諸親故小集

郊遊

過浮佛寺書感

答寄周伯中

答寄馬水部 二首

登錫山

登惠山絕頂望太湖

外舅啟孫宅遇顧始餘悵然有作

惠山遊黃顧諸家園亭

雨中度江將登金焦二山

金山

許繼顏園亭看玉蘭花

山中看梅

過外舅山中故居

答陸七丈

喜沈茂仁過訪 二首

小窻綠萼梅盛開

夏日陳虞部園

姜仲文招集彭城諸勝處

遇蓋卿東昌

送萬大叅仁甫之山東 二首

費國聘甫入都門過訪屬予病中畱酌

小齋遂枉來什因有此贈

張質卿陸敬承費國聘馮用韞集小齋

得秋字

質卿公亮貞復國聘集蓮花菴得魚字

質卿國聘集小齋共賦槐字

韓臣書至怪不得余問賦此為答

九日諸子出郊見約阻弗克赴既以重

陽登高詩相示輒用韻書懷 四首

吳仲文沈少卿集小齋看菊分得笳字

送鄒爾瞻請告南還

湖上

九日石湖讌集唱和詩

送諸進士之南陽教授

天竺寺

九里松

寄馮開之

遊招隱寺

維揚贈李汝培同卿

贈陳從訓 二首

度龍泉關

南臺

中臺

西臺

北臺

東臺

清涼寺

曲陽謁北嶽廟

入都補故官效長慶體

九日摩訶菴作

秋望

送姜仲文視學關西 二首

蒙 恩予告給驛

登山 四首

酬徐宗伯過訪山園

七言排律三首

遊惠山

遊韋公寺因懷沈少卿

送袁子壽

卷之八

五言絕句四十六首

子夜四時歌 四首

除夕 二首

晨起卽事 二絕句

舟行卽事 三首

卽事 二首

題敬承來爽臺以西山朝來致有爽氣

為韻 八首

夜歸淨慈寺 二首

拙圃雜詠 十一首

宿獅雲菴 二首

車中雜言 八首

古意 二首

六言絕句 七首

夢菴詩為周吳生賦 二首

園居戲題 五首

七言絕句 一百四十首

紫薇花

獨酌有感

游浮佛寺有感

歲暮送友人歸

別王三 二首

閨怨

旅思

楊柳

長門怨

送張伯任 二首

除夕口占 三首

遼陽凱歌 二首

燕來

送王詹錄使閩 三首

問開之疾戲題

送黃律元舍人 三首

和外舅陸翁山居雜詠 五首

送馮開之 五首

上巳郊遊絕句同楊公亮陸敬承賦 六首

秋江曲

中秋獨酌

觀泉亭

送姜仲文 三首

桃花

春山曲 七首

送曾直卿 二首

燕子樓

江村 二首

壽隱者

題孤雁圖
舟行遇雨 二首

傅伯俊明府邀遊石湖因訪王玄靜抵

暮云別 四首

南旺逢翟處士 二首

送金玄朗 三首

朝陵曲 八首

曉行聞西苑荷香 二首

中秋病中口占 二首

送陳伯符 三首

遊天池山

哭沈茂仁 五首

湖上曲

別家

題鶴林寺

別戈生

送客歸後泊舟江頭

三月晦日度江

寄和甫弟

午睡

新月

清江夜雨

閱元微之集有醉題詩十二首舟中枯

悶無聊悉為和之因寄所知 十二首

阜平道中戲嘲山民

代山民答

戲嘲山民

代山兵答

清涼石偈

山寺見芍藥花

定州道中

送王季中 三首

送何无咎 一首

塞上謠 八首

送王侍御之關中 三首

韋公寺海棠

目錄終

卷之九

序

寶菴集自序

南畿貢士序齒錄序 代

賀邑侯邵陽劉君三載致績序

贈李大將軍封寧遠伯序 代

贈保安守劉大夫考績序

送實甫張年丈守吉安州序

送伯龍張年丈今臨淄序

送善甫李年丈之臨海序

送國聘費年丈僉憲四川序

送子開甘年丈擢僉閩憲序

卷之十

序

贈兵憲餘于李公擢浙省叅政序 代家

君

賀大中丞濟南周公平寇序

贈邑令栢鄉呂侯考績序

贈周大夫南宮韓公序

送光祿寺署丞孟君南還序

瞿文懿公文集序 代

俞仲蔚先生集序

觀我圖序

卷之十一

序

太中丞孫公馬鞍山咏和詩序 代

大中丞小溪孫公馬鞍山咏和詩序

送姜仲文視學關西序

三輔衡士錄序

大宗伯徐公七十壽序 二首

送大中丞李公 予告還虔序

贈邑侯栢鄉呂公應 召北上序

壽表姊王孺人七十序 代家君

卷之十二

序

朱大司空壽序

封膳部大夫支翁六十壽序

族叔止吾先生壽序

壽沈翁序

壽于母蔡孺人序

外母龔宜人壽序

孟母徐太孺人壽序

壽葉母王宜人七十序

壽趙母張太孺人百歲序

卷之十三

記

祇洹精舍記

遊五臺山記

東遊記

卷之十四

記

北征日記

遊西山記

西苑遊記

卷之十五

記

遊武林湖山記

和甫山園記

拙圃記

卷之十六

記

遊西山記

南還日記

小玉山記

卷之十七

傳

程于行傳

封戶科左給事中萬翁暨配周孺人傳

誌銘

太學生伯中周君墓誌銘

鄉進士後溪徐先生墓誌銘

太學生許君暨配梁孺人墓誌銘

明資政大夫南京工部尚書贈太子少保雲山曹公暨配吕夫人墓誌銘

卷之十八

誌銘

明封孺人楊氏墓誌銘

葉母汝太孺人墓誌銘

顧孺人黃氏墓誌銘

處士顧先生配沈孺人墓誌銘

亡妻周氏權厝誌

碑

余文敏公神道碑代

卷之十九

行狀

先考嘉議大夫南京兵部右侍郎贈都
察院右都御史觀海府君行實

封承德郎工部虞衡司主事鐵山沈先

生行狀

卷之二十

祭文

祭余文敏公文

祭呂文簡公文代

祭王鳳老文

祭少司徒盛公文

祭沈茂仁文

祭劉宮允文

祭陳司寇文

祭王麟洲文

祭少京兆華松王公文

祭王少荆文

祭王和石文 代

祭外舅陸公文

祭白泉二伯文

祭金甥文

祭李太夫人文 衙門合祭

祭亡妻周氏文

卷之二十一

奏疏

請卹典疏

給假疏

懇恩回籍調理疏

謝恩疏

應制

擬御製聖母慈聖宣文明肅皇太后

禱雨龍潭靈應碑

擬御製壽安寺碑

擬撰 勅諭朝覲官員

訓錄類編守法引

擬撰 御製明心寶鑑序

擬撰 御製明心寶鑑跋

道藏經跋

佛藏經跋

擬撰 御製新刊續入藏經序

擬撰 御製通鑑博論跋

卷之二十二

策 丙戌科會試二道

卷之二十三

策 宣大武舉二道

卷之二十四

書啟

申相公加恩公宴請啟

王相公上任請啟

與王少荆

答徐太室執文

與王梧桐

答俞仲蔚

上王鳳洲

上耿楚峒先生

與屠長卿

又

上戴愚齋先生

答王荆石先生

與張質卿

寄王荆石先生

答楊公亮

與沈少卿

答王鳳老

又

奉徐太室宗伯書

奉王荆石先生

答曹子運侍御

報王荆石先生

報王鳳洲

答張洞齋侍御

寄王鳳洲

答周用齋

答王荆石先生

答戴愚齋先生

答徐太室執丈

答吳觀我

上王荆老

謝王荆老

寶菴集目錄終

寶菴集卷之一

道光二十年庚子八世孫淳德敬藏於秋雲一覽處

吳郡顧紹芳實

賦

孤燈賦

當夫義和促駕。陽景戢曜。露凝霜而未飛。星含

芒。法漸照。則黜黯而若迷。極聽或泐。以

知。吡爾乃。燧去。獻伎。祝融效靈。沃以馨蘭之膏。

列以黃金之檠。覆以綃縠之幕。然以琪華之莖。

續龍銜於既灰。俾幽窻之大明。爰有貴介公子。

耽妖冶之劇游。縱浩麥之至娛。曲房隱閒。高軒
周疏。左擁姣女。右挾子都。趾動流光。齒露生姿。
盤辟巧笑。終宵不疲。玉漏漸撤。猶仰餘輝。又有
遷臣逐客。投湘竄澤。狼啼兮腸斷。林嘯兮夕惕。
淹寂寞。儔面之太息。亦有桀客俠朋。豪舉踔厲。
風流相師。吐辭眩日。積醜成池。振歌舞。吹埴篔。
御翠尊。撫瑀卮。爲歡未央。聯翩淋漓。况修炬之
爛朗。佇扶桑之朝暉。又有思媛戍婦。神挂紫陌。
翫馳玄關。日晷空擲。良夜徒闌。握金剪以凜霜。
抱孤嫺而盤桓。睹殘燼之在壁。攢哀思而長歎。
茲物情之詎殊。亮憂愉之異觀。惟余今之所覲。
將爲悲兮爲歡。始熠熠以炤爛。旣幢幢而飄颻。
乍隱乍舒。若邇若遼。當隙風以披靡。近閒牀以
次寥。於斯時也。鼯鼯啼覘乎其側。塵坌繚繞乎
其上。月皎皎以奏光。鴈嘒嘒而飛響。悄焉孤影。
悽其萬狀。爾乃沈酣千代。咀嗽百家。彤管吐精。
竹素揚華。寐不知其枕席。游罔借其煙霞。於是
孤燈亦熠爚。吐氣輪囷。生花似目。余以知己。矢

寶善集 卷一
久要而靡他。亂曰。騁靡曼兮。寔無貲。狗節俠兮。獨無徒。蹇余賤兮。焉所放。穆余姣兮。焉所思。塊兮。軋兮。大化紛以離披。乘運順流。安余其居。余弗知其懌。又焉知其悲。願優游以終歲。請終身而誦之。

五言古詩

夏日山亭述懷

空翠鬱飛閣。岩堯玉山陽。軒窗何悠哉。巖巒互低昂。纖埃絕衡門。嘉樹縈曲房。靈臺澹無營。况乃山風涼。茲辰復何事。臥起弄縑緗。古人骨雖朽。精神宛相望。冥心探淳源。庶以膏枯腸。曠彼有莘野。鬱此南陽岡。龍蛇道自殊。舒卷豈有常。逝矣纓組懷。卒歲以徜徉。

紀夢

喟此泉下人。一夜一夢之。素體被流黃。螭首紛歲蕤。明明金釧搖。裊裊珠璫垂。春山淺螺黛。是我畫時眉。隨風忽蕩漾。宛若平生姿。盈盈向我語。何悟生若茲。結髮事君子。百歲良所期。上堂

寶齋集 卷一
奉姑嫜委曲蒙至慈娟好掌上珍况乃有諸兒
一身不自由千秋長別離篋中有羅襦牀上有
繡帷前軒挂朱箔四壁列罍瓷事事手所置各
各經心思奄忽閉泉臺一物不堪隨此物何足
論但感事差池君今議娶婦樂哉新相知新知
誠云樂翻憶妾曩時欸欸語未卒涕下不自持
哀哉黃泉下永與世相辭君懷亮自堅死者復
何爲

陪啓孫外舅及山甫諸君游天池

夙懷茲山美甘載苦嬰縛欣奉屨杖遊一副生
平約紆迴歷層巖窈窕度窮壑隴阪何青青松
陰鬱成幕幽塢模仰孟穹墳象懸橐中有清冷
潭灣環巧如鑿上有縹緲峰片片吐蓮萼法侶
奏春茗玄房動宵酌雲林乃宿契舉坐况善謔
一榻翠微間身世寄寥廓明發便城市回首塵
漠漠爲謝山中人更理高秋屨

寄和甫

爲客鮮懽悰寤寐歎今昔昔我同心人欸欸日

復夕連株必交柯接羽無分翮人事一以乖緇
裘長安陌肆目眇故鄉落月見顏色安得仍與
子化爲雙翔翼參差青雲端娛樂無終極
京洛何奕奕從風交鞶纓日出理罄折日入倦
逢迎携手視繾綣豈無我友生洵美彼友生不
如我弟兄流月佇孤影浮雲鬱長征觴至不願
疾沈吟以屏營子爲南浦魚我爲北海萍微波
通有時良會終合并

初理小齋率爾有述

處世不諱貧甕牖固其常廣狹中所含焉繫室
與房達士侈畝宮憂人局八荒念茲忽欣然所
得固難量結廬城北陬湫隘謝廣堂所貴遠市
喧塵慮澹相忘小庭纔盈丈杲杲延日光衆卉
紛布列逢時媚春陽仰眺蒼天高雲物浩縱橫
閉門理縑帙客至復壺觴陸沈苟如此爲樂未
渠央亮哉溟池翼不能笑榆枋

秋日大風

居閒罷行游窮巷隔連駟塊焉覽時物惻愴歲

華旣商秋日馮陵春草萋以頽玄霜緬已深况
乃涼飈厲薄扉激疎櫺卷籜委深砌天吳恣洶
湧噫氣駭漂肆庭樹敷晚榮娛目洵所寄遽訝
柯條披悵無藩牆衛飛埃蕩無垠頽壁支半墜
蓬蓬從何來冥冥復何逝倏忽流雲停萬籟喑
以寐天道信有常喧寂焉所繫乘運一險夷永
言悟茲義

得家書具聞江南水勢間及時事慨焉感

述四百三十字

憶昨歲在丑攬槍西南盪光芒長竟天朝野氣
沮喪聖君儼垂裳八方頗清曠其占當云何吳
越虞漂盪歲行卯暨辰淫潦積奔放十日不一
晴千里靡寸煬雖謝商羊妖竟符離畢象吳中
故澤國今者益彌望青山孤蕭條白氣莽洿蕩
人家夜栖木原阜晝行舫二麥爛不收新禾弱
難上老農疲桔槔疆吏困隄防久厭玄雲屯俄
愁黑風颺蟻孔一以潰浩浩復瀼瀼沈陸竈產
蛙排窻水浮盎村落銷炊煙龍蛇鬪溟漲壘壘

按音高 析音抗

溝中瘠。往往魚腹葬。况乃苛政猛。所在吏無狀。
椎剝罄膏髓。露溢規府藏。窮簷迫追呼。餓骨供
榜掠。胡此太平民。道傍泣相向。桁楊滿我前。豆
菽不充吭。尚愛須臾生。且賣妻孥償。親盡身益
孤。畱生竟安仰。緬懷東南區。歲賦苦無量。貫朽
少府錢。漕充大農餉。惟正誠樂輸。豐年理亦當。
柰此歲屢凶。辛酸備干况。死者已無知。生者行
遭創。束手人不聊。根本焉得壯。向隅古所嗟。竭
澤今豈誑。民風殊悲愉。國運繫衰王。吾皇凜

英姿一體寄。三相寰海跂。至仁有司欠。推廣未
免恩。澤擁終然隱。憂釀我聞九年水。不廢康衢
唱。窮黎幸收卹。醲化歛條暢。民爲結肺肝。天爲
祚靈貺。帝闈阻萬里。耳目易以障。但用水旱聞。
頗異雷霆抗。躡嚅竟不敢。緩急疇足杖。深愧太
史誦。竊擬庶人謗。吞聲讀鴻書。此意但惻愴。

張質卿黎陽道中詒詩見懷答寄

端居適不樂。躑躅臨前除。微風東南來。吹墮雲
中書。我友金閨彥。總轡大河墟。洪濤浩無垠。層

水結城隅簫鼓闐道周郡邑負弩趨所遇非舊
歡含意未能舒還顧望京邑神往跡莫俱子思
日以紆子車日以徂徂者不可留紆者當何如

又

及子昔婉孌會知終別離各負丈夫氣慷慨奚
足悲子行未匝月三歎中自疑返顧夙昔歡十
駕不得追尋歡歡無端追憂憂更隨吾輩復無
情鍾情當在誰天風裂浮雲相失寧自知但勗
久要誼合并良有時

詠懷

獻歲春氣發百卉潛以滋豈不慕韶豔感此流
光馳枯者雖再榮逝者寧復追身名孰爲寶恍
慨有餘悲

南國有佳人容華世無匹出身事君子所慕在
貞壹婉孌結素心抑首避私暱秋風彫春茗陰
景代白日華色久易故但存昭昭質君心洞如
鑒恐不照一室古來金石交何以保初卒

九衢如絃直駿馬若飈馳華冠高切雲蓋綬紛

陸離白晳清且揚有美誰家兒云是金張子英
英步前徽稟秀邁顏冉懷珍過和隨富貴坐相
逼挺身躡天達不謂家世豪自詫生多奇哀哉
衡門士白首泣路岐

客從南方來津津道冲舉浮雲生我前白日駐
我左洪崖爲我徒羨門爲我侶愧此浮世塵一
息不得處駸駸百年內逝如晨風羽振衣欲從
之青天無處所躑躅歸我廬含意莫能吐運至
隨物化嗒然吾焉取

白雲何天矯吾親舍其下燕吳迥相望遠在萬
里者春風闔閭城蒼雪碣石野跡闕苦莫前憂
來浩難寫尊鱸非足懷其物聊所假

瀦盆水蓄朱魚數頭

織鱗曜朝旭清流激庭隅以彼波濤性瞻此耳
目娛尋虛入微島汎景緣新蒲揚鬢計焉適涸
轍聊自蘇憂幸脫網罟理亦絕江湖洵濡旣所
甘局趣安可圖嗟哉溟池鯤簸蕩驚天衢小大
各有營吾亦見真吾

讀陶集 有引

靖節超超高遠故自天性議者必欲以
晉徵士榮之此與井蛙之見何異因爲
詩解之

昔有高尚士衡門常樂饑其骨久已塵其文鬱
清徽人生百年內飄忽終風馳躑躅名利場佻
巧獲險巖隋珠下高雀持此欲焉之冥心託宇
宙虛名亮所嗤蟻觀晉宋間安問得失誰區區
徵士聲詎足潤枯骨巢由固芬芳何必兼伯夷

骹音慈枯骹死
骨人骨也

千載豎儒口烏覩達士懷曠然諷遺編庶以明
襟期

南征詩

伊昔守窮巷喟然傷肺肝身乏鼎俎資干時良
獨難幸逢休明運寘我青雲端搖筆蓬萊宮緩
轡黃金門路人指歎息寒士爲低顏豈不貴所
遭內顧仍鮮歡譏讒紛驅迫纓組相糾纏貧賤
饒外憂富貴滋內患不涉榛莽塗安覩跋躑艱
緬思返初服裹足甘丘園上書丐休沐恭承

明主恩爽秋戒征途旌旆從風寒白露薦新涼
大河戢驚瀾故鄉雖云遠千里一望殫父母計
我程爲日遲我還親朋欣相要候我河之干日
與世網疎斲媮一壑閒烈士負壯圖小人規自
全籌此亮已熟眷焉著斯篇

中秋夕風雨交橫舟寢不安述懷

長河驕曾波遊子憇客縣狂飈歛從東雨落猛
成片縱橫各崩奔參錯遂搏戰疑將兩崖坼虛
言厚坤奠入夜帆拖喧凌晨枕席顛積陰莽不
開二儀慘相眩宛彼雲中月翳翳莫能見飽聞
道路艱寧知風塵變怛然驚我覓七尺豈余擅
會當歸茅茨身世兩無羨

周市道中書所見

進舟沿村瀨歷歷記井廬值此刈穫後耄稚欣
相扶蕭條何古墳慘然氣不舒荒煙冒荆棘落
日來樵蘇朽骨不自保子孫知有無道傍有老
父對我仍唏噓豈無子與孫乃繫賢與愚昔者
一何賢種樹夾道衢今者一何愚斬伐成丘墟

寶齋集 卷一
余亦謂老父不見咸陽都茫茫五陵草漢業竟
何如萬物固同盡焉能較區區日暮無語別獨
栢寒風呼

情詩

微風吹精藍雙林澹容與幽禽喧藜枝繁英媚
泂渚攬衣步踟躕游目若有佇川路邈且修伊
人曠何許川長泳鱗沈路遠翔鴻阻迅陽靡停
晷感感閱寒暑信美此丘樊良辰難獨處延首
希朔風氣結不能語

夏夜與客石橋看月用月明星稀爲韻

虞淵光熹微清風散余髮陰逕忽朗然長天墮
華月舞影沈淥池歌聲出林樾主人愁空樽客
子坐不發

千山盡月出東林有餘清扣戶起僧寢推窗來
竹聲幽原散葱蒨流波蕩空明感此良夜色愜
我遺世情

夜久涼露積攬衣起復停快哉水天白中有禾
稗青林梢出古殿澗底涵疎星一呼崆峒叟御

虞淵地名淮南子曰
至虞淵是為高春

寶菴集 卷一
氣遊冥冥

衆客醉還別天清人亦稀愛月不能去猶是胸
中機空色了不染浮雲本無期俛仰羣籟絕臥
掩松間扉

寺橋待月月出歸院命酒次前一夕韻

老檜翔雲虬垂蘿亂石髮閒步無近遠虹梁遲
流月紫翠沈夕陽葱青散陰樾日盡天東南冷
然清光發

涼風颯林表流雲無復停中天墮一碧獨夜搖
空青欲乘漢上查手摘金光星道阻不可得且
復逃沈冥

嵇阮去我久慨然知音稀且呼空門友共釋尊
前機一醉乃今是浮生多昨非持謝溪上月莫
辭照荆扉

集王孟安池館

空除警桐葉時氣忽已秋之子何嫵婉命我以
遨遊芙蕖被幽渚藜簞夾層丘奇芬襲綺疏涼
風生坐周睠此物候嘉所遇况良儔旨酒湛尊

蕭當作恭音
孽疲貌

壘中厨豐膳羞長嘯振林木高譚激清流當暑
忘疲蕭入夕尚淹留豈不惜傾倒感子義綢繆
人生百年內鼎鼎老即休殊方歎羈孤簪紱成
拘囚逝往既莫追撫今猶足謀洵美矧吾土不
樂行何求

秋日游行山間

高旻蕩纖雲秋氣淒以肅幽悰愴無寄有美此
林麓連巖薄層城迴谿羅羣木窈窕僅容舫險
仄恒枳足衡門呀然啟虛館抗遐矚密坐臨澄

悰音叢情緒也
信音澹恬靜貌

虛加切音緞張口兒
音牙吧呀小兒忿爭

泉竦影墮修竹改席陰茂松寒濤響空谷睠我
同懷子醪茗遞相屬惠連吐清芬羊何振芳躅
沈冥理既超繾綣契尤篤去去何時忘持之謝
囂俗

自屏巖歷陽谷洞登曲巖

按圖尋名阿欣與竒勝遇窈窕縱心賞參錯艱
杖屨歸雲翠屏聳深谷陽景駐活活流山泉暖
暖動村樹覽眺未及周捫攀亦以屢飛巖絕來
蹤積蔓迷往路高並獨鳥翔捷爭懸猱度遂歷

安子春秋星之昭不如月
之暖又離暖時暖其將
能兮暖昏昧兒

滯音替極困也又音
臙滯也

青雲梯奇石饒偃仆怪或蹲獅虬晴猶吐煙霧
一裂千仞餘側足竟膽怖湖光延暝色相滯不
能暮歸術欣就夷去跡懷餘慕撫景知有窮微
尚亮無數寄言同懷子千秋保襟素

思友人詩

始謁承明廬竭遊碣石宮纓簪何倭遲濟濟交
夔龍蘭茝揚芬芳膠漆聯心曾平日且行遨戲玄
夜復相從新聲發清商羽觴薦甘醲麗藻鬱雲
興壯思不可窮豈伊湛大康秉德庶以同爲樂

未詎央惜哉隨飄風

飄風吹蓬梗零落在遠道余嬰幽憂疾巧身詎
云早偃息滄江濱衡門傍秋草寒暑紛遞更獨
操釣竿老有酒誰與斟古意靡共討俛仰追故
歡歷歷傷懷抱何況流光駛百年不自保

百年誠悠悠河清誰能俟念我同懷客鬱鬱成
塊壘飛沈各異勢契濶在萬里欲往從之游方
舟大江汜水深波濤惡臨發旋以止握手成須
臾飄忽焉可恃耿耿遙相詫室遐貴心邇引領

寶齋集 卷一
希朔風願言崇令軌

題溪雲閣卷

高閣憑清溪蒼翠日凌緬煙表抗層城林顛送
絕巘中有玄栖士遺榮薄軒冕託興溪上雲因
之共舒卷

贈僧大通

陶公薄纓組乃從惠遠遊鮑照才絕世亦復友
惠休奇情儻融契何必皆吾儔通師叢林秀瀟
灑映清流悟身如火電觀世同蜉蝣曠朗但一

照枯寂焉足謀昔余遯囂俗栖君南林幽微言
吐煙霞雅尚托樊丘此道識者稀君懷良見投
朝陰修竹園夕臨宿莽洲桂樹渺干霄梅花宛
當樓有適豈獨往無言不見疇清襟寄謔浪逸
興交觥卣豈無頭陀行空然等拘囚感此達者
風日月加綢繆何圖別君去世網俄見收局趣
鞿笈間緇塵蒙素裘陸沈幸自完歸來問鋤耨
短棹訪丹壑穆穆今白頭五十忽已至光景一
何適稽首乞我言一言增一籌是形無不滅百

寶菴集 卷一
歲俱浮漚得詩亦何庸綺語翻見尤不如及生
年並作逍遙遊乘杯恣還往醉我牀前筍汝法
本自空吾欲空百憂嘯傲以徜徉焉問是與不
語罷萬籟寂湛湛高天秋

婉兒怨戲爲陸敬承賦

女蘿妾自比松栢將比郎豈意山上松化爲陌
頭楊春風一朝起飛絮逐人狂
十五過郎門十八恩寵衰妾貌詎改色郎心固
多岐新人好自愛願保白頭時

嫁壻得官人生知有根柢富貴非一心連房見
迢遞古井湛竹竿相投不到底
文君昔見疎白頭多苦聲華落愛自渝焉能迴
至誠妾自窺明鏡中心妬未平

歡是儂家歡屋是儂家屋誰載新人來生憎寶
車犢昔作山不移今爲水長覆

雛生鳳不顧棲鸞一何孤虛爲羽族長不如屋
上烏雌雄并哺子猶得兩相於

生作蕩子婦不若委道邊蕩子意何如明月當

寶齋集 卷一
下弦清光雲中發夕夕不如前
莫悲嫁征夫莫怨嫁估客儂壻不出門空房履
無跡寧作遠別離何堪眼前擲

徙宅

奕奕啟文戶峩峩聳高薨作者一胡勞居者樂
厥成蹇余寔非德負乘以屏營緬追先公烈清
標何英英崎嶇仕中朝歷世乃彌貞庭有旋馬
窄市無丙舍羸小子何所藉居然饗其盈毀齋
殊仲寶辭宅慚晏嬰俛仰但跼躅余衷誰能明
夙夜敬爾躬庶以貽雲仍

髫歲學古記忻然慕同居矧惟我先人家世篤
友于止宿恒共舍絲粟無別儲今我何爲者躑
躅將焉如悽悽去愛弟悵悵辭故廬子孫日以
繁食指溢周衢數椽不足庇黽勉求異閭情以
勢故闕事由俗所驅吾聞古人言狗跡乃拘儒
意氣苟不同連牀猶爲疎勗哉此明德母或乖
前模惟有棠棣詠可以喻區區

馬鞍起天中岌岌挺蒼玉吾廬何幽哉逶迤此

山曲快意豈在他所得恒滿目曖曖三畝園借
以藏余樸喬松秀樛枝清池皴平綠徙閣來遠
峰編籬入深竹陰徑殊崄岈陽厓頗迴伏雖謝
愚公愚願師司馬獨臥起惟余心幽悰誰能逐
撫跡鮮故歡屏心遠氛俗幸爲卒歲謀良以明
止足

寄示小兒子

汝兄年長大好惡任渠爲汝姊他家婦妍蚩視
母儀汝今方就傅如田始蓄畬而我爲浮名棄

汝卽路岐撫心還自悔回首恒嗟咨所以念汝
者豈惟兒女私念汝方稚小質性殊常見讀書
十二行記誦了不遺側聞古嘉言大意能粗知
燈火旣散塾筆墨欣相隨吾性本詳緩遇汝尤
偏慈汝亦頗謹馴痛不假罵笞聞教如轉圜聽
受無所疑吾祖宗積德百餘年於茲能薄吾不
任或汝其庶幾首貴敦行誼次則攻書詩勿謂
齒尚幼築墉先立基勿謂來日長駒隙駛莫追
歷觀古名賢董邕俱岐嶷寸蘖苟不養干霄終

無期今我勤念汝汝寧不我思抑汝嬰孩心服
我肝膽詞入則順汝母出則敬汝師寧效俎豆
戲母爲竹馬嬉誚或免豚犬業必承裘箕千里
吐至言汝宜刻骨肌俟我明年歸出袖而奏之
并示汝兄姊勗哉善自持

和王季中任城登太白樓作

岌業濟上樓興廢屢丹雘中天抗層觀披雲肆
遐矚懿彼青蓮生僊才何犖犖人與流波逝氣
共秋旻邈一爲乘高會英聲撼河嶽君亦斯人
儔璨若豐年玉盱目無凡睽投步必芳躅詒我
懷古唱言言剖荆璞曠代亮匪阻奇情遙相燭
因知高賢風千載寄寥廓

謁闕里廟林二首

憑風問靈光煙榛共荒穢儼然闕里宮業薛

迴盼睽丹雘何煌煌松栢亦藹藹我行出東州
翹望如泰岱睠然諸青衿導我以釋菜攝齊升
杏壇肅若承馨歆絃歌浮陰堂手澤撫遺檜冥
邈太古人清風穆然在當其歎道窮寂寞百年

內末俗見詬嗤素心不自悔刪述一以炳功與
天壤配洵知志士規要當視千代

葱葱何古林鬱鬱洙水湄四面樵采絕西風吹
枯枝中有千歲楷氣色含餘滋問此誰氏墳下
有萬世師蛻骨豈不朽芬芳良在茲生無立錐
土削迹空所之時命適大謬疇能揚其衰大道
久自彰餘光襲原陂表以萬家封冠以垂天碑
秦陵既見發漢寢尋以夷易世不自保侈心徒
一時竟此蒼天高吾道是耶非

黃河

空聞昆崙名渺不知所屆河源在其下想見狀
汪濊迢迢萬餘里遠與淮泗會當其氣勢怒青
天恣澎湃一決土囊口波底騰百怪龍鼉奔巨
濤決漭失大塊徒有沈璧勞孰禦殫閭敗頃歲
頗安流疆吏亦以戒胼胝不得辭補緝窮破碎
雖罄淇園竹庶弭瓠子慨雙隄垂長虹沮洳半
溝澮秋風或誅茅春雨時秉耒轉漕江南粟千
艘各成隊落日帆相銜浮雲棹俱邁翹首鳳泗

滅烏外切音蒼又烏
目切音穢汪濊深廣
什溢兒
澎湃音彭派水勢白
以相戾也

滙本作匯音會器也
回也水回合也

寶者集 卷一
間 祖陵屹相對襟帶儼自如王氣萬年配匪
盡人事臧亮由天心愛昨聞徐州城塵市苦積
滙或疑龍宮翻叵測蟻穴潰道路爭彷徨籍籍
陳利害突獻徒河議未究體窒礙炙鑿僅一指
行將廢榮衛任事良以艱掉舌一何快我道彭
城下修渠宛如帶新漲旣以壑舊浸亦云殺平
原見禾菽燥土出闐闐未可矜永利且當息羣
喙河伯匪獨仁道謀古所誠遙尋九河蹟高頌
禹功大誰知有唐仁超然決排外

大風

乍出京城中見水澹相入如聞滄浪歌條然戴
簑笠南浮洪河瀾洶洶胡其急萬里注大壑一
往不可繫歎欲長鯨奔蒼茫老龍泣空聞一葦
杭轉見孤舟澁狂飈扇其威怒濤忽人立跼身
風波間利害寄呼吸人情亦何常到此成邑邑
低頭窺長年帆樯幸所習儻其一失足幾爲蛟
螭襲流雲橫天生細雨霑我笈不惜雨態深且
冀風勢戢夜半未安枕客子萬感集暗理垂堂

歎欲音噴合
欲當讀酣入聲

言來者猶可及深隱淞江湄茅堂且歸葺

飛來峰

振衣陟雲嶠率律青天中石髮日夜滋芳樹何
蒙茸呀然啟靈窟久足隨玲瓏軒翥有餘勢位
置無凡蹤伊昔阻西域鷲嶺相爲雄何年倏來
臻風雷役神工天地固一氣山河亦虛空焉知
不飛去寂寞歸鴻濛

寶菴集卷之一

